

Landesbibliothek Oldenburg

Digitalisierung von Drucken

**Academiae Kiloniensis Proreector et Senatus orationem
solemnam Augustissimi Regis Christiani VII natali die 29.
Januarii 1798 habendam indicunt. De Gestu Veterum
Scenico Observationes**

Baden, Torkel

Kiliae Holsatorum, [1798?]

VD18 13382748

Parasitus.

urn:nbn:de:gbv:45:1-8303

sine offensione introductas; partim Grammatici aevo mulieres constanter partes habuisse, quas personati histriones olim peragerent.

Parasitus.

Ultimum in gesticulatione locum Parasito adsignamus, sicut derisor veteres in imo lecto. Actorem parasitum gestus liberior, et qui pro mobilitate personae, quam indueret, in horas mutaretur, theatris commendasse videtur. Nunc enim idem fit *Gelasinus*, nunc *Plagipatida*, nunc edax et qui octo hominum munus facile fungatur⁸⁸); aliumque ex alio gestu vultumque capiendum sibi videt. Cibo distentum et obrutum mero Terentius Phormionem suum induxit, ubi interrogat⁸⁹):

Itane patris ais conspectum veritum hinc abiisse? Get.
Admodum.

Phormio. Phanium relictam solam? Get. Sic. Ph. Et
iratum senem?

Get. Oppido.

si quidem vera narretur fabula de Terentio et Ambivio auctore ebrio⁹⁰), qui acturus hanc fabulam, oscitans temulenter atque aurem minimo inscalpens digitulo, hos Terentio pronuntiavit versus; quibus auditis exclamaverit poeta, se tales, cum scriberet, cogitasse Parasitum, et ex indignatione, quod eum saturum potumque deprehenderat, delinitus statim sit. Haec labia lingvens ut ebrius et ructans utpote satur, actor quoque Grammatici aevo pronuntiavit.

Caeterum personae tam festivae locos bene multos induluisse poetam probabile est, in quibus supplendis gestu et differendiis, actoris ut audacia et licentia, ita commendatio confisteret.

88) Menächm. I. 4.

89) Phorm. II. 2. init.

90) Donat. ad Phorm. I. c.



De actione; quatenus praeparaverit Poeta.

In consideranda corporis eloquentia veterum actorum, ejus curae laborisque non postrema ratio habenda est, quem componentes ad scenam fabulas Poetae adjuvando actionem gestumque praeparando suscepint. Hoc ejusmodi est, ut praeente Comico, animique motus pro decore personarum in fabula rite que formante: histrionis, sensus personarum efferentis, interpres actio non possit, quin animi motibus obediatur. Proinde qui orationis genus in Terentio (ut hoc utamur) laudaverit facundiamque, in usu communi atque in hominum more et sermone versantem; colores porro, quibus Davum et Herum, Parasitum et Lenonem omnemque omnino personam tractavit atque distinxit, colores scilicet ad eum sensum compositos, ut rei subjectae magis consonos ne acerriinae quidem legentis phantasiae in animo effingere liceat: is igitur, qui haec, modo non temere sed subductis rationibus laudaverit; pronunciacionem simul, *ante laborando a Poeta praeparatam*, vultum quoque, habitum gestumque dicentis ea, quae legas atque animo affigentis, laudasse se sciatur. Illarum quippe virtutum ea proprietas est, ea vis, ut natura sua impetum caloremque actioni impertiant, actoris studium accendant omnibusque motibus animi consentaneum vigorem corporis efficiant. Vigore brevitatisque, quae Romani sermonis proprietates sunt, id adsecutus Terentius est, ut in alternis sermonibus omnia ardere videantur, verbis in ipso dicente saepe gestum indicantibus vultumque, quo dicantur, atque pronunciationis adjumenta oculos manusque accentibus ac velut aculeis excitantibus. Videsne, ut confurgant voces Chaereae⁹¹), furto suo gaudentis dudumque exceptantis, in cuius sinum gaudium suum effundat. Non solum

91) Eunuch. III. 5. init.

